

DEO OPT. MAX. VNI ET TRINO; VIRGINI DEIPARÆ, ET SANCTO LVCÆ

ORTHODOXORVM MEDICORVM PATRONO.

QVÆSTIO MEDICA.

CARDINALITIIS DISPVATIONIBVS MANE DISCVTIENDA.

IN SCHOLIS MEDICORVM, DIE IOVIS XI. APRILIS.

M. STEPHANO BACHOT, Doctore Medico, Præside.

An Utendum cibus simplicioribus.

1086.

HOMINIS corpus eximium rebus sublunaribus exemplar futurum, frustra tot diuersis partibus tam admirabili fabricâ compactis instructum, tantæque præstantissimarum functionum, ac munerum varietati fuisset destinatum, si principiorum suorum imbecillitate, ac perpetuo substantiæ triplicis effluuio in ipsis ortus sui primordijs illico desineret. Idcirco sagax, prouidaque natura nutritiam ipsi facultatem iniecit, quæ contra caloris voracitatem obluens, quod absumitur in dies resarciat, eaque ratione vitam quæ sine cibo vix septem dierum est, foueat, atque alimentorum in alicuius corpus conuersorum interuentu præcipientem mortis, alioquin ineluctabilis, incursum prohibeat. Alimenta, quia substantiæ nostræ dissimilia, priusquam actu nutrant variè immutari, ac triplici coctione confici possunt: ut efficaci caloris innati auxilio similia tandem reddantur.

VENTRICVLVS *ventriculus est pars primæ viæ, ex quo cæteræ partes annonam capiunt, priorem coctionem quadruplici virtute administrat, quarum vnâ deorsum trahit cibaria subacta mandibulis, & per œsophagi angustias deducta ad se parua expectatione corripit: alterâ, cum necessaria sit ad coctionem mora, quæ allecta sunt amplo suo sinu recondit, & salutare digestionis officium expectationis comprehendit, ac retinet: tertiâ cæterarum præstantissimâ vertit in succum cremori non ab similem quidquid acceptum est: postremâ denique iuendam chyli cognatione dumtaxat recreatur, non alitur, cum tanquam onus inutile per inferius orificium in intestina propellit.*

POSTQVAM cibus non tam calore ventriculi, quam peculiari eiusdem virtute reformatus est in succum, hic iam iecoris ad secundam coctionem sese accingentis cura succedit, quod per lacteas mesenterij venas ad se derivatum, & per exilia venarum suarum orificia in propriam substantiam effusum Chylum innatâ parenchymati proprietate in sanguinem transmutat: qui quatuor humores complectens à superuacua portione folliculi fellei, lienis ac renum adminiculo defocatus, per venarum tubulos ad singulas corporis partes dispergitur, in quibus fit vltima coctio, dum quod unicuique membro datum est, ipsi verè sit nutrimentum.

DIGESTIO vna sic pendet ab alterâ, ut si præcedens fuerit impedita, nullus fiat sequentis effectus; hinc stomacho ægotante vita incipit esse; malè autem ipsi est, aut ab alienâ qualitate cibi prauo succo materiam suppeditantis, aut ab eiusdem copiâ naturæ coctionem molientis vires exuperante. Simplex cibus, quo succo vel iuuante, vel grauante corpus perfundat, vsu docente statim cognoscitur: nec habet controuersam moram, dum in simplicem simul succum vertitur, nec vllius coctionis ordinem interuertit, dum omnes sibi statâ momentorum dimensione succedunt. Diuersorum autem ciborum diuersa natura est, quorum alij citius, alij tardius digeruntur, atque dum hi concoquuntur, illi corrumpuntur, & acefcunt, aut in nidorem abeunt; ex quibus humores minime concordēs, ac putredini obnoxii postmodum creantur.

FACESSANT igitur dubia illa anxique conuiuia, in quibus tanta est ciborum varietas, ut impediens turba delectum salubre coctionis opus interturbet; valeant cenæ illæ pollucibiles, quæ alimentis non minus succo diuersis, quam nomine cumulatæ nostrum corpus non tam alunt, quam inquinant, morborumque ex repugnantium sibi humorum discordiâ nascentium iliadem inuehant. Ditiore erit atque laudatior multo ciborum simplicitas, & salutis conseruandæ magis idonea, quippe quæ nec vitam, vitæque præsidia, uti luxus, aut indifcreta illa immanis gulæ auiditas suo veluti chasmate absorbeat. Reges tamen *μνησθον πλείων* admodum decere arbitror, si modo apponant mensæ plurima, pauca gulæ.

Utendum ergo cibus simplicioribus.



Proponēbat Lutetiæ IOANNES BAP. DE REVELLOIS Ambianus; A. R. H. M. DC. LVIII.